



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Bvrgen. Et Palen. Episcopis.

urn:nbn:de:hbz:466:1-20006

BVRGEN. ET PALEN.

Episcopis.

Epist. 219.
Qui spoliatus
est, non potest
alios solvere an-
tequam resti-
tuatur.
Cap. Olim. De
restitutione spo-
liatorum.

Olim vobis dedisse meminimus in mandatis ut venerabilem fratrem nostrum Oveten. Episcopum ad debitam restitutionem partis Zamoren. diocesis, quam tenebat, cum perceptis fructibus cogeretis, si dilectum filium fratrem Rainerium, priusquam super hoc mandatum apostolicum adimpleret, viā ingredi contingeret omnis carnis. Verum quia inanis est actio quam inopia debitoris excludit, fraternitati vestræ per apostolica scripta mandamus, quatenus non prius Episcopum ipsum ad restitutionem fructuum compellatis, quam ipse fuerit taliter restitutus ut restituere possit quod percepit de proventibus alienis. Non autem per hoc priores literas revocamus; sed eis in sua firmitate manentibus, coactionem ipsius Episcopi ad restitutionem fructuum taliter perceptorum differri volumus, donec id valeat adimplere. Datum Romæ &c. V. Kalend. Iunij.

In eundem modum Episcopo Palentino & Abbati de Spina scriptum est pro restitutione partis Salamantinae diocesis detenta ab eodem Episcopo Ovetensi.

LEXOVIEN. EPISCOPO.

Epist. 240.
De officio Ar-
chiepiscopi ad
suum Suffraganeum,
& Suffraganei ad suum
Archiepiscopum.

Sicut ea quæ pacem & concordiam nutriunt, pura debemus intentione perquirere; ita ex debito sollicitudinis pastoralis illa tenemur ab ecclesiasticis viris studiosius extirpare, quæ seditio-nem excitant, & scandalum introducunt. Sanè cum occasione illius indulgentiæ, quam de benignitate sedis apostolica cognoscendi venerabilis frater noster Rothomagen. Archiepiscopus per provinciam suam de innovatis post appellationem, appellatione remota facultatem habebat, inter te & ipsum gravis hæcenus fuerit discordia excitata, præsertim cum tu ipse per diocesim tuam hanc eandem gratiam de indulto consimili à sede apostolica meruisses, auditis gravaminibus & detrimentis tuæ propter hoc & Rothomagen. Ecclesiæ irrogatis, ad pacem & quietem vestram non potuimus non moveri; maximè cum ex utraque indulgentia non modicum Romana Ecclesiæ præjudicium generetur. Ideoque ut per studium nostrum inter

vos discordiæ fomes super hoc de cetero penitus extinguatur, prædictam in utroque vestrum indulgentiam de communi fratrum nostrorum consilio penitus vacuantes, statuimus vos esse ulterius, quoad hunc articulum, communi jure contentos. Ad hæc, ne propter hoc tu videaris ab ipsius subjectione subtractus, volumus ut sibi tanquam Metropolitanano tuo debitam obedientiam exhibeas cum honore; ipse verò (sicut ratio mutæ caritatis exposcit) tibi, ut fratri & cœpiscopo suo, paternam benignitatem ac dilectionem impendat. Ceterum ut tu ipse non possis vel debeas ab ipso indebitè aggravari, de communi fratrum consilio tibi duximus indulgendum ut si fortè ad dictandam in te vel Ecclesiam tuam sententiam casu aliquo moveatur, trina semper admonitio competenti temporis spatio interjecto canonicè antecedit. Et si fortè ab imminente duxeris gravamine appellandum, cum appellationis remedium institutum sit ad præsidium oppressorum, nolumus post appellationem emissam, vel ante commonitionem expositam, contra personam vel Ecclesiam tuam aliquid attentari. Si verò vel ante commonitionem emissam, vel post appellationem rationabiliter interpositam, in te vel Ecclesiam tuam suspensionis, interdicti, aut excommunicationis dictus Archiepiscopus sententiam promulgaverit, illam decernimus non tenere, nec volumus personæ vel Ecclesiæ tuæ gravamen aliquod exinde seu præjudicium generari; nisi fortè (quod absit) tantum & talem excessum committeres, propter quem de jure communi tibi provocandi foret interdicta facultas. De personis autem & causis Lexovien. diocesis nil amplius statuat vel disponat, nisi quantum de jure communi sibi dignoscitur esse concessum, liberam tibi tuæ diocesis dispositionem & ordinationem relinquens, appellationis jure ad eum vel ad nos faciendum nullatenus impedito. Datum Romæ apud sanctum Petrum &c.

In eundem serè modum scriptum est Archiepiscopo Rothomagensi.

* * † * *

Epist. 22
De successu
diocesis.

Epist. 2
Ve oblat
clera hoc
tineat, &
prædica
de colla
mas nra
solva.